



BIBLIOTHECA
UNIV. IAGELL.
CRACOVENSIS

40242

1

Mag. St. Dr.

P

11.0.10

IMPRIMATUR.
LUCAS STANISLAUS
DE GODUROW
GODUROWSKI

Prim. Offic. & Vic. in Spir.
Gen. Leop.

40242

7



ORATIO
IN LAudem
BEATI JACOBI
STREPÆ
ARCHIEPISCOPI HALICIENSIS
EX ORDINE
MINORUM CONVENTUALIUM.

Duæ res sunt Auditores, quæ Oratorum animos vehementius commovere possunt; causæ scilicet, de qua agitur, gravis conditio, & eorum, coram quibus versatur, dignitas & amplitudo, ea-



rum nulla perturbari me finit, imo verò incredibilem ad dicendum suppeditat alacritatem. Si enim rei, quam exponere intendo, statum intuear, perorandum mihi est de Beato Servo Dei JACOBO STREPA Archiepiscopo Haliciensi, Cujus Translationis Sacrarum Reliquiarum ad sepulchrum honorificentius in anno post millesimum sexcentesimo vigesimo sexto (a) hodie dies anniversaria occurrit, Illius quantasint me-

- (a) Die 20 Octobris 1626. cum magno applausu Reliquiæ B. Jacobi translate, quæ dies apud Authores festiva habetur. In Martyrologio Arthurii Parisiis 1653. edito sic habetur 20 Oct. Halicia nunc Leopoli quæ est Metropolis Russiæ B. JACOBI Eiusdem urbis Archi-Episcopi, pastoralis sollicitudinæ & Virtutibus Apostolicis Illustris. Et in Libro Menologium 1698. in Bavaria impresso sic scribitur in indice: JACOBUS de Leopoli 20 Octobris Confessor. Alibi autem amplissimè describuntur laudes. Eadem die Anno 1778. promulgatum Decretum consistere de cultu publico & casu excepto à Decr. S. M. Urbani VIII. per Ill. Rev. DD. Crispinum de Cieszkow Cieszkowski Episc. Nyssenum Custodem, Lucam Stanislaum de Godurow Godurowski Primicerium, Offic. & Vicar. in Spirit. Generalem, Mathiam Pruski Canon. Gremial. & Judic. Ordin. Metrop. Leop. Judicem delegatum & Adjunctos, Stanislaum Sozzycki Coll. Leop. & Cath. Kijov. Canonicum, & Commisionis Actorum Notas



merita, patrii exterique Scriptores memoriæ tradiderunt. (b) Sive eorum, coram quibus verba facere intendo, optimam voluntatem ac notitiam considerandam mihi proponam, rem mihi esse in conspectu vestro Auditores sentio, Qui Rectefactorum Hujus Præclari Antistitis optime conscii, ac dilatandæ Illius gloriæ studiosi. Quid igitur est, ut vel susceptæ Provinciæ diffidam, aut illam minus alacri animo aggrediar? Quod cum facio tanta fretus fiducia, Beati Jacobi Archiepiscopi merita nobis cessisse in commodum & exemplar demonstraturus, vos quæso, obtestorque Viri gravissimi, ut si Illius gesta pro sua dignitate non explanavero, meæ quidem tenuitati, multo autem magis eorum amplitudini putetis tribuendum.

Illustrum Virorum dum terras incoherent vel ipsa ætatis primordia adeo Divino

a 3

quo-

- (b) Scriptores vitæ sunt ex Polonia: Dlugossus in Annalibus. Scrobissovius in vitis Archi-Ep. Marcus Corona in speculo & in tota concione. Okolski in Russiæ Flor. Starowski in monumentis. Zimorowicz in lib. M. S. Leopoli triplici. Kowalicki in Conc. Niesiecki inter stemm. Jozefowicz in Annal. M. S. & alii plurimi. Ex exteris autem Vadingus ad An. 1391 Martyrologium Arthurii 20 Octobris. Menolo-



quodam munere plerumque novimus clauisse, ut ad quam virtutis & gloriæ maturitatem essent perventuri non obscuris indiciis significarent. Quod si unquam ab omni memoria vetustatis repetita rerum experientia sciamus compertum fuisse, in hoc de quo loquimur celeberrimo Dei Servo omnino contigisse non est ambigendum. Ex florentissima tunc divitiis & supremis in Polonia honoribus Streparum gente prodiit Jacobus, Divinæ Mysteria Fidei doctus, singulari morum candore, levitatum, quibus illa ætas irretiri solet, odiò, supernorum amore, Franciscani Instituti desiderio apertissimum futuræ Sanctitatis & laudis dedit præsagium, quod certe effectu non caruisse luculenter deducitur, cum Jacobus Ordini quem ingressus, Archiepiscopali Dignitati, cui virtutum excellentia pretium addidit, & Patriæ Senatorio honore singularius extitit ornamentum.

Et imprimis, suscepta in Religione Sraphica vivendi regulâ, cum Jacobum novis votorum stimulis ad altiora perfectionis culmina properantem viderent, singulari quodam amore ac benevolentia Superiores Ordinis complectebantur. Admirati si-



quidem in Eo præstantissimam scientiarum peritiam cum insigni humilitate conjunctam, juvenilem ætatem cum peculiari morum gravitate atque prudentia copulatam, exactam regularis disciplinæ observantiam ab humanitate, officio, comitate minimè segregatam. Hinc cum societas Peregrinantium de Ordine Prædicatorum & Minorum à summis Pontificibus instituta (c) in Russiæ partibus, ubi Messis quidem multa, operarii autem aderant pauci, pro convertendis infidelibus exigeret adjutores, Jacobus Leopolim missus tanta assiduitate, diligentia, religionis zelo, ac martyrii desiderio collatum munus exercuit, ut plures miseras animas errorum vitiorumque cæno involutas, a diaboli servitute, in qua diu multumque adstrictæ ferrea voluntate jacuerant, omni prorsus labe purgatas, in filiorum Dei libertatem feliciter asseruerit. Neque enim aut humana prudentiæ carnis dictamina, aut potentum invidia, aut voces

a 4

male-

(c) Innocentius IV. Summus Pont. societatem Frarrum Peregrinantium instituit Anno 1252. ex Ordine Prædic. & Min. alique Pontifices confirmarunt, multis privilegiis eam donarunt, quæ duravit usque ad An. 1430 quando omnes Vi-



malevolorum, vel conatus Schismaticorum efficere potuerunt, ne contra errores declamaret, ne totis quibus poterat viribus malos mores evellere conaretur. Quod cum Bernardus Haliciensis tunc Archiepiscopus oculis auribusque perciperet, JACOBUM virtuosum pro ædificanda Ecclesia Dei operarium appellavit. Cum vero in JACOBO zelum fortem quidem non tamen asperum & humanitatis expertem sed admirabili prudentiæ sociatum Superiores adverterent, publicæ fidelium & privatæ Ordinis utilitati consulere volentes, prius Conventus Leopoliensis regimen contulerunt, mox societati Fratrum Peregrinantium Vicarium Generalem præfecerunt. Quo dignitatis onere non ambitus execrabili vicio, sed obedientiæ virtute suscepto, nihil antiquius habuit, quam ut forma fieret gregis, singulasque regularis disciplinæ Magistri partes adimpleret. Interea vero sollicitus ne dum aliis præerat autoritate & imperio, rebellis adversus spiritum caro sibi ipsi dominaretur, ciliis, inedia, vigiliis, atque omni mortificationum genere ita eam afflixit, ut in servitutem perpetuam plane redigerit. Admiramini fortassis Auditores



Apostolicam vivendi rationem in Jacobo? jam Religionis umbras, non tamen habitum, humilitatem, moresque optimi Religiosi deferentem, attendite.

Cum post Bernardi Archiepiscopi Haliciensis obitum, qui ex aspero zelo multorum usque ad ultimum diem invidiam passus, viduato ovili quæreretur Pastor, à Bonifacio IX. Qui certis de causis ea vice præsentationem provisionemque sibi reservaverat, (d) renuntiatus Jacobus, Cujus celebris virtutum fama perseverabat, & Qui à Vladislao Jagellone Poloniarum Rege aliisque commendabatur. Honorem illum suscepit, ne beneficentiam Pontificis & Principis Religiosus contemnere videretur.

a 5

(d) In Bulla Consecr. sic habetur: Dudum siquidem bonæ mem. Bernardo Archiep. Halic. regimini Halicien. Ecclesiæ Præsidente, nos cupientes eidem Ecclesiæ cum vacaret per Apostolicæ Sedis providentiam utilem & idoneam præfidere Personam, Provisionem Ejusmodi Ecclesiæ ordinationi & dispositioni nostræ duximus ea vice specialiter reservandam &c. Demum ad Te Ordinis Minorum -- cui de Religionis zelo, literarum scientia, vitæ munditia, honestate morum, spiritualium providentia & temporalium circumspeditione aliisque multiplicum virtutum meritis apud nos fide dignorum testimonio per-



tur. Cum vero animarum Pastorem, Qui in terris solius Dei invisibilis nomine præsudet, populumque ad præfixum in cælis finem dirigit, dignum sit iis fulgere virtutibus, quibus divina Autoritas resplendeat, humanisque oculis bene vivendi forma præsto sit, in supremo Archi-Præsuleæ Dignitatis folio qualem se Jacobus præstitit, testem appello hanc urbem nec dum, tunc Metropolitana Sede ornatam, viderat Eum viderat vitam deinceps ita instituisse, ut Religioni simulque honori optime consulere. Apostolicis ille fulgebat virtutibus, atque ideo Dominum suo regimini ita benedixisse viderat, ut Principibus & Baronibus plurimis almi spiritus gratia tunc ad fidem converfis Ecclesia plurimum lætaretur. Propagabat ille Ecclesias, in Ecclesiis Sanctissimi Sacramenti Virginisque sine labe conceptæ cultum maxime propagabat. Nollem vero liberalitatem Ejus, aut potius charitatem, qua egenis, ac monasteriis subvenire studuit, reticere, quibus præter alia etiam suæ mensæ decimam dari solitam de consensu cleri donavit, vel alios ad sublevandam eorum inopiam sacris Indulgentiis incitabat, at cum amore Christi facta non



humanam laudem sed æterna quærunt præmia, ideo silentio præterire possum. Ad illud haud satis verbis efferi potest, quod cum aliis beneficeret, cum Ecclesias calicibus pretiosisque Apparatibus ditaret, adeo paupertatis extitit amator rigidus, ut testamento, quod decennio ante obitum condiderat, vix aliquid invenerit disponendum. (e) Cum vero essent permulta, quæ hominum benevolentiam conciliarent & præclarum redderent apud omnes, veluti summæ integritas, vera humilitas, & exacta morum suavitas, tum denique in negotiis tractandis & perficiendis prudentia ac justitia, ideo pro dirimendis litibus sæpe Ejus autoritas petebatur, cujus opera usus Innocentius VII. Summus Pontifex pro resolvendis in hac civitate controversiis fatis arduis. (f) Eum cum hæc Vir Beatus ageret etiam publicam ab urbe calamitates removere amator Civium satagebat. Sine lacrymis eorum temporum adhuc recordari non possumus, quibus civitas hæc tot tantisque malis opprimebatur, cum ferina Tartarorum barbarie

graf-

(e) Extat hoc Testamentum apud Scrobissovium i
vitis Archiep. & apud alios.

(f) Bulla ab Innoc. sic incipit. Promptos & facile



grassaretur insolentius, atque tecta, fora genitibus impletet, unoquoque de salute sua anxius cogitante, aut fugâ, aut antris se se tueri studente, sed ubi hostes reprimendi vires deficiunt, Piissimus Pastor cæleste tuærit auxilium. Nec defuit votis Servi ri Deus, cum enim quotidianam devotionem ad Beatissimam Virginem MARIAM in Ejus Ecclesia Parochiali adhuc in suburbio instituisset, singulisque diebus ante occasum solis devotas preces cum suo grege pro pace persolveret, immisso divinitus honore perterriti hostes sine civitatis damno quod timebatur, aufugerunt. (g)

Magna sunt quæ advertitis Auditores, sed nisi in publicam utilitatem tenderent, minora certe existimatione omnium viderentur. Licet enim satis esse probatur spirituali Viro propriæ animæ curam habere, longe tamen perfectiori modo Divinæ Vocationis portat onus, si conatum & studia in commune conferat commodum. Majora certe fecit JACOBUS cum probi Senatoris fungeretur officio, qui non solum spiritualia curabat, sed etiam gravissimis in negotiis afflictæ Pa-

Pa-



Patriæ præsto aderat ita, ut post amplissima gestorum pro Illius salute documenta Tutoris Patriæ nomen obtinuerit. Ille siquidem publicam Populi tranquillitatem saluberrimis juvabat consiliis, ille hostium crebris incursionibus se strenuè opponebat (h) Quæ igitur commoda, quæ ornamenta non profluxêre in ordinem, Ecclesiæ Regnum, quibus tantopere dum vixit heroicis præluxit virtutibus? ut habeant omnes unde quaque quod avidius imitentur & singularius admirentur. Et cum hæc Archie-Præsul Eggregius glorioso animo & nullis sæculis obliterando nomine ageret tot curis confectus, ætate fractus, laboribus consumptus, veluti fax, quæ cæteris præluet, sibi minuitur, vitam fragilem atque fugacem erecto in æternam corde religiosi deseruit. At non ideo sublata est tanti viri memoria conspicuæque sanctitatis famæ innumeris apud omnes meritis illustrata JACOBUS enim postquam ab hominibus excessit, pietati congruum nactus sepulchrum, & ab aliis cadaveribus penitus se cretum; tantam sibi vidit accrescere gloriam & suis



& suis in meritis devotorum fiduciam, ut etiam Infula Ejus veluti divi Pauli Strophia aegrotos sanaret. Tumuli autem situs dirissimarum quidem hostilitatum occasione Oblivioni traditus, singulari tamen dispositione Divinâ in anno supra millesimum sexcentesimo decimo nono patefactus. Ea quidem die & hora cum renovata esset Devotio ab Eo instituta ad implorandum Peiparæ Patrocinium, in Ecclesia hac Sanctæ Crucis circa sacrarium in muro apparuit species incorrupti Archi-Præsulis Pontificalibus Insigniis decorati. Sacrum Cadaver suavissimum spirans odorem spectaculo jucundissimo fuit numeroſe concurrentibus, quo tempore præsentem opem ex inventi Antistitis juvamine alii in morbis, in angustiiis alii recepêre. (i)

Et hæc sunt quæ vestris auribus Auditores impolita dictione breviter exposui, non ut majorem apud vos conciliarem Viro celeberrimo gloriam, sed ut virtutum memoria ad imitanda rectefactorum exempla incitarem. Conferunt enim non parum præclaris ingeniis gesta priscorum oculis ante-



anteposita, quæ nobis subdunt calcar & incitamenta quædam, ad eorum, quos laudari videmus imitationem. Equidem existimo Majores nostros, & orationes quæ in aliquorum funeribus sive quocunque die habeantur, non tam vita functorum laudes & gloriam ostendere, quam posteris acquirendæ virtutis eorum normam nobis præbere voluisse. Sit itaque Vobis Auditores stimulus ad sequenda sua vestigia Jacobi optima vivendi ratio, Tua vero Confessor Eggregie probitatis excellentia in universo orbe utinam quàm citius celebretur. Qui pro singulari Patrocinio ac tutamine, quod Civitati, Ordini, ac Regioni præbes, has tenerrimo corde Tibi dicatas theses non dedigneris suscipere, & Qui Provinciæ ac Leopoliensis Cænobii Prælatum egeras, nunc in Cælis pro omnibus sollicitum age Patronum.





CONCLUSIONES THEOLOGICÆ

EX

TRACTATU

DE

RELIGIONE REVELATA.

I.

Divina Revelatio est necessaria ad perfectam Legis naturalis cognitionem.

II.

Cujus Revelationis Divinæ necessitas ad capiendam cognitionem aliquarum veritatum supernaturalium pluribus demonstratur argumentis.

III.

Mysteria possunt nobis ad credendum proponi.

IV.

Quæ sunt quidem supra rationem non tamen eidem opponuntur.

V.



V.

Demonstrari potest ex miraculis in Pentateucho contentis extitisse in Lege veteri Divinam Revelationem.

VI.

Cujusmodi Pentateuchi Traditio cum ab Ipso Moyse originem traxerit.

VII.

Sequitur ergo non alium Illius esse Authorem nisi solum Moysen.

VIII.

Quoniam vero certum est omnes libros in Canone Ecclesiæ positos Divina pollere Authoritate.

IX.

Eorumque Scriptores fuisse à Deo inspiratos.

X.

Hinc concludendum restat libros Tobia, Judith, Esther, Job, Psalmorum, Canticorum, Sapientiae, Ecclesiastici, Baruch, & duos libros priores Machabæorum pro Sacris & Canonicis ab omnibus haberi debere.

b

XI.



XI.

Doctrinam Christianæ Religionis, quæ in novo Testamento continetur Divinitus esse revelatam certissima Christi miracula, Ejusque Prophetiæ adimpletæ evincunt.

XII.

Et cum in hocce novo Testamento Libri Epistolarum S. Pauli ad Hæbreos, Jacobi, & S. Petri, duæ posteriores Joannis, Judæ, & Apocalipsis Divina polleant Authoritate.

XIII.

Eorum Authores fuerint à Deo inspirati.

XIV.

Dicendum omnino venit & eos pro Sacris & Canonicis haberi debere.

XV.

Admittendæ sunt Divinæ & Apostolicæ Traditiones tum ad verum & orthodoxum Scripturæ sensum intelligendum, tum propter quædam fidei morumque capita quæ in verbo Dei scripto non continentur.



XVI.

Sola Scriptura non potest esse supremus ac sufficiens fidei controversiarum Judex.

XVII.

Neque Spiritus privatus est legitimus Verbi Dei Interpres aut fidei controversiarum Judex.

XVIII.

Absurdum est etiam constituere humanam rationem Fidei controversiarum Judicem.

XIX.

Sed Ecclesia est legitimus & supremus fidei morumque Controversiarum Judex.

XX.

Ita ut in iis definiendis nunquam falli possit.

XXI.

Sequitur neminem posse sine crimine & salutis suæ damno vel unicuique dogmati fidei ab Ecclesia definito contumaciter contradicere.



XXII.

Quoniam vero Concilia etiam Generalia rite ac legitime celebrata in condendis fidei morumque Dogmatibus errare non valeant.

XXIII.

Dicimus licet non simpliciter & absolute, necessariam, utilissimam tamen esse Eorum Celebrationem Ecclesiae.

Defendentur in Ecclesia Leopoliensi Sanctae
Crucis Ord. Minorum S. P. Francisci
Conventualium.

a P. B. HYPOLITO KOWNACKI

S. Theologiae Auditore

sibi assistentia

A. R. P. PROTI OLSZEWSKI,

Sacrae Theologiae Doctoris, ejusdemque Professoris Die 20 Octobris 1779. Ann.

Handwritten red stamp: SACRILEGIUM

A. M. D. G.

occidit, indeque rever
Waszego venatui studen
constat Polonos et non
toribus, et Regibus fin
quove ordine aut fortiori
literarum et scriptorum
gentiles caruere, pener
pag. 65. — W Wyzdancy W
nie majdujs. Nie porotar
choć owoż brat i Dnie
na wstąpieniu Galla nie
mego oświadczenia Galla
Głobiej za epokę przy
Wzrostu tego sigga. E
de Polonia et Duce
scribere, ejusque gratia
rum digna memoria
ne materiam incipiame

toritate, qui in Mss. ad
Christi DCXXXVI. notat
in modum ea etate constrin-
gubium a Sclavis Mara-
Bulgaris, ex Dalmatia
in arcum cogerentur:
ad communis opinio, qua
trasse veluti pro certo ha-
sententiam abripuit.

27.

roiam się nad liorba, bez
ka Wil Samona, trzyma
oaka. W Pamieciu: Warsz:
na 48 myśl koiągę Woje-
roftki, jak można widzieć
4. Sect. II. Pospiera ja mocno
porzytaczoney rozprawie: ropakie
za Franka, związał to

